

新淦縣志卷之七

學校 目錄六條

學址 學額 學規 書籍 鄉飲酒

射圃 附



新淦縣志卷七

學校



古之學者必有其地所以處士燕閒優游以成其德性也新淦學自唐宋以來代有修建近復新之故前列沿革焉其間生徒之廣規條之詳書籍之富膳餼之厚皆紀載所不容畧因博採以著於篇作學校志學在縣治東南唐貞觀十四年建宋建炎兵燬紹興初知縣汪杲改建縣南乾道間知縣陳浹復遷舊址慶元間知縣鄭如岡增修羅愚病左右狹隘捐俸買民地廣

之虛其南爲隙地有經史閣狀元樓紹定三年寇燬知縣董雲才復建講堂四齋東曰尚志進德西曰潛心游藝藏書藏祭器肅齋各有所元至正壬辰兵燬明洪武二年知縣曹行重建十五年知縣彭忠孝增修永樂丁未明倫堂燬通判宋軌與林術干需建宣德十年燬知府朱得知縣張顛重建廬陵周述有記正統間知縣張昇改衢路作君子亭邑祭酒胡儼有記正德間寇燬知縣劉天錫重建明倫堂及博文約禮兩齋巡撫孫燧命知縣李美增修嘉靖九年知縣陸美中於啟聖祠左建

敬一亭中建明倫堂明倫堂後爲尊經閣隆慶二年知縣夏大勳創建未就隆慶四年知縣李樂成之新喻部郎劉松有記遷敬一亭於尊經閣右凡地侵於民者悉規復之周圍以垣前橫大街東西蔽以屏萬歷庚子知縣曾陳易捐修明倫堂吉水御史鄒元標有記

國朝康熙四年明倫堂圯分守道施閏章捐貲首倡推官陸璿劉源深知縣高榮胡之琳各助重修教諭方廣裕訓導章成美董其事施閏章陸璿有記康熙戊申尊經閣圯知縣董謙吉捐貲重修訓導曾三接督成康熙十

六年三逆叛變兵寇交訐知府陳克峻知縣毛延芳集
紳士重修明倫堂尊經閣訓導梁天清僉生員段宮錦
孫廷珍楊萬年黃螽生經理其事康熙四十九年知縣
王毓德借教諭江砥訓導林作楫倡率邑紳士捐貲重
修明倫堂督學冀霖有記乾隆三十六年知縣王昂集
紳士改建明倫堂於右嘉慶十九年知縣壽星保集紳
士改建明倫堂於左

學額

生徒定額唐武德七年置州縣鄉學其學生京縣五十
人上縣四十人中縣中下縣各三十五人下縣二十人
宋慶歷四年詔天下州縣立學崇寧三年始定諸路增
養縣學弟子員大縣五十人中縣四十人小縣三十人
元中統二年命置諸路學大德五年定生員上中州十
五人下州十人元貞元年命有司割地給諸路蒙古學
生員餼廩時新淦陞爲州明洪武二年詔天下府州縣
皆立學時新淦復爲縣生員之數府學四十人州縣以
次減十師生月廩食米人六斗有司給以魚肉學官月
俸有差宣德中定增廣之額府學四十人州縣以次減

十增廣既多於是初設食廩者謂之廩膳生員增廣者謂之增廣生員及其既久人才愈多又於額外增取附於諸生之末謂之附學生員凡初入學者止謂之附學而廩膳增廣以歲科兩試等第高者補克之

國朝順治四年定直省各學廩膳生員府學四十名州學三十名縣學二十名衛學十名增廣生員名數同取進童生大學四十名中學三十名小學二十名十五年題準直省取進童生大府二十名大州縣十有五名小學四至五名康熙九年題準各直省取進童生大府州縣仍

舊中學十有二名小學或八名或七名新淦縣學廩生增生各二十名每歲考取入文童十二名附學科考如其數府學二十名分入四屬縣新淦應分府學五名歸縣學多少無定額生員克貢明洪武十六年始令天下學校歲貢士於京師歲貢之始必考學行端莊文理優長者克之後但取食廩年深者順治二年題准直省起送貢生府學每年一人州學三年二人縣學二年一人明制國家有慶典或登極詔書以當貢者爲恩貢其次卽爲歲貢

國朝因之又宏治中南京祭酒章懋乞於常貢外令提學
行選貢法三五年一舉下部議行之雍正五年更爲六
年一舉乾隆七年定爲十二年一舉府學拔取二名州
縣學各一名宣德間取副榜年二十五以上者授教職
正統十三年御史萬節請敕禮部多取副榜以就教職
却其請不行順治十一年題准鄉試副榜生員照各省
大小量定名數送監克監生江西十一名康熙十一年
議准直省鄉試每正榜中額五名設副榜中額一名雍
正十一年奉

旨各省保送優生廩生准作歲貢附生准作監生乾隆四年議
准限以大省無過五六名中省三四名小省一二名武
學之設自洪武時置大寧等衛儒學教武官子弟正統
申始命兩京建武學崇正十年令天下府州縣學皆設
武學生員提學官一體考取今仍之新淦定額每三歲
考取武童附入縣學爲武生十二名府學二十名分入
四屬縣新淦亦應分五名歸縣學多少無定額

學校規條

順治九年題准刊立臥碑置於明倫堂之左曉示生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡
一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切已之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明

從容再問毋妄行辨難爲師亦當盡心教訓勿致怠惰
一軍民一切利病不許生員上書陳言如有一言建白
以違制論黜革治罪

一生員不許糾黨多人立盟結社把持官府武斷鄉曲
所作文字不許妄行刊刻違者聽提調官治罪

御製訓飭士子文

康熙四十一年

頒行各學

國家建立學校原以興行教化作育人才典至渥也朕臨御
以來隆重師儒加意庠序近復慎簡學使釐剔弊端務期風
教修明賢才蔚起庶幾棫樸作人之意乃比年士習未端儒

效罕著雖因內外臣工奉行未能盡善亦由爾諸生積錮已
久粹難改易之故也茲特親製訓言再加警飭爾諸生其敬
聽之從來學者先立品行次及文學學術事功原委有敘爾
諸生幼聞庭訓長立宮墻朝夕誦讀寧無究心必也躬修實
踐砥礪廉隅敦孝順以事親秉忠貞以立志窮經考業勿雜
荒誕之談取友親師悉化驕盈之氣文章歸於醇雅毋事浮
華軌度式於規繩最防蕩軼子衿佻達自昔所譏苟行止有
虧雖讀書何益若夫宅心弗淑行已多愆或蜚語流言挾制
官長或隱糧包訟出入公門或唆撥奸猾欺孤凌弱或招呼

朋類結社要盟乃如之人名教不容鄉黨勿齒縱幸脫褫扑
濫竊章縫返之於衷寧無愧乎况夫鄉會科名乃掄才大典
關係尤鉅士子果有真才實學何患困不逢年顧乃標榜虛
名暗通聲氣夤緣詭遇罔顧身家又或改竄鄉貫希圖進取
器陵騰沸網利營私種種弊端深可痛恨且夫士子出身之
始尤貴以正若茲厥初拜獻便已作奸犯科則異時敗檢踰
閑何所不至又安望其秉公持正爲國家宣猷樹績膺後先
疏附之選哉朕用嘉惠爾等故不禁反覆惓惓頒茲訓言爾
等務共體朕心恪遵明訓一切痛加改省爭自濯磨積行勤
學以圖上進國家三年登造束帛弓旌不特爾身有榮卽爾
祖父亦增光寵矣逢時得志寧俟他求哉若仍視爲具文玩
愒勿儆毀方躍冶暴棄自甘則是爾等冥頑無知終不能率
教也旣負栽培復干咎戾王章具在朕亦不能爲爾等寬矣
自茲以往內而國學外而直省鄉校凡學臣師長皆有司鐸
之責者並宜傳集諸生多方董勸以副朕懷否則職業勿修
咎亦難逭勿謂朕言之不預也爾多士尙敬聽之

御製朋黨論 雍正三年 頒發各學

朕惟天尊地卑而君臣之分定爲人臣者義當惟知有君惟

知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽衆論然必衆論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及乃心者求鄉士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我聖祖仁皇帝御極六十年用人行政邁越千古帝王而大小臣僚未能盡矢公忠往往要結朋黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私暱牢不可破上用一人則相與

議之曰是某所汲引者也於是乎遠之若浼曰吾避嫌也不
附勢也爭懷妬心交騰謗口以媒孽之必欲去之而後快上
去一人則相與議之曰是某所中傷者也親暱者爲之惋惜
疏遠者亦慰藉稱屈卽素有嫌隙者至此反致其殷勤欲借
以釋憾而修好求一人責其改過自新者無有也於是乎其
人亦不復自知其過惡而愈以滋其怨上之心是朝廷之賞
罰黜陟不足爲重輕而轉以黨人之咨嗟嘆息爲榮以黨人
之指摘詆訾爲辱亂天下之公是公非作好惡以陰撓人主
予奪之柄朋黨之爲害一至是哉且使人主之好惡而果有
未公則何不面折廷爭而爲是陽奉陰違以遂其植黨營私
之計也書曰予違汝弼汝無面從退有後言當時君臣告語
望其匡弼而以面從後言爲戒夫是故一堂之上都兪吁咈
用能廢歌拜颺以成太和之運朕無日不延見羣臣造膝陳
詞何事不可盡達顧乃默無獻替而狡獪叵測蓄私見以肆
爲後言事君之義當如是乎古純臣之事君也必期致吾君
於堯舜而人君亦當以堯舜自待其身豈惟當以堯舜待其
身亦當以皐夔稷契待其臣孟子曰責難於君謂之恭陳善
閉邪謂之敬吾君不能謂之賊夫以吾君不能而謂之賊則

爲君者以吾臣不能亦當謂之忍語云取法乎上僅得乎中苟不以唐虞君臣相期待而區區效法僅在漢唐以下是烏能廓然盡去其私心而悉合乎太公至正之則哉宋歐陽修朋黨論創爲異說曰君子以同道爲朋夫罔上行私安得爲道修之所謂道亦小人之道耳自有此論而小人之爲朋者皆得假同道之名以濟其同利之實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求騁其才辨每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下無應與爲能散其朋黨之象大善而吉然則君子之必無朋黨而朋黨之必貴解散以求元吉聖人之垂訓亦旣明且切矣夫朋友亦五倫之一朋黨不可有而朋友之道不可無然惟草茅伏處之時恆資其講習以相攸助今旣登朝蒞官則君臣爲公義而朋友爲私情人臣當以公滅私豈得稍顧私情而違公義且卽以君親之並重而出身事主則以其身致之於君而尙不能爲父母有况朋友乎况可藉口於朋以怙

其黨乎朕自四十五年來一切情偽無不洞屬今臨御之後思移風易俗躋斯世於熙皞之盛故兼聽並觀周諷博採以詳悉世務且熟察風俗之變易與否而無知小人輒議朕爲煩苛瑣細有云人君不當親庶務者信若斯言則臯陶之陳謨何以云一日二日萬幾孔子之贊舜何以云好問好察此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然有以凜尊卑之分歡然有以洽上下之情虞廷賡歌颺拜明良喜起之休風豈不再見於今日哉

欽頒太學訓飭士子文

乾隆十年

頒發各學

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備

矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後己者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖

日日應舉亦不累也居今之世雖孔子復生也不免應舉然豈能果孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

鄉飲酒儀

附鄉圖

圖在城隍廟右舊改建文昌閣

京府及直省府州縣歲以孟春望日孟冬朔日舉行於儒學前一日執事者於儒學之講堂依圖陳設坐次司正率執事諸生習儀至日黎明執事者宰牲具饌主人及僚屬司正先詣學遣人速賓僕以下賓至主人率僚屬出迎於庠門之外揖入主居東賓居西三揖三讓而後升堂東西相向立贊兩拜賓坐僕至主人又率僚屬出迎揖讓升堂拜坐如前儀賓僕介至旣就位執事者

祭禮集志 卷十
贊司正揚觶引司正由西階升詣堂中北向立執事者
贊賓僕以下皆立贊揖司正揖賓僕以下皆揖執事者
以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄友弟恭內
睦宗族外和鄉里無或廢墜以忝所生讀畢執事者贊
司正飲酒飲畢以觶授執事執事者贊揖司正揖賓僕
以下皆揖司正復位賓僕以下皆坐贊讀律令執事者
舉律令案於堂之中引讀律令者詣案前北面立贊賓

僕以下皆立行揖禮如前讀畢復位執事者贊供饌案
執事者舉饌案至賓前次僕次介次主三賓以下各以
次舉訖執事者贊獻賓主起席北面立執事者酌酒以
授主主受爵詣賓前置於席稍退贊兩拜賓答拜訖執
事者又酌酒以授主主受爵詣僕前置於席交拜如前
儀畢主退復位執事者贊賓酬酒賓起僕從執事者酌
酒授賓賓受爵詣主前置於席稍退贊兩拜賓僕主交
拜訖各就位坐執事者分左右立以次酌酒獻三賓衆
賓徧賓主以下酒三行供羹執事者以次酌酒飲酒供

新治縣志
卷十
饌三品畢執事者贊徹饌候徹饌案訖贊賓饌以下皆
行禮饌主僚屬居東賓介三賓眾賓居西贊兩拜贊送
賓以次下堂分東西行仍三揖出庠門而退

書籍

乾隆元年議准各督撫於省會書院并有尊經閣之府
州縣應將十三經二十一史諸書購買頒發交與各該
學教官接管收貯令士子熟習講貫其動用存公銀兩
仍報部查核新淦學舊有尊經閣傾圮現擬修建其歷
年頒發書籍教官接管存貯署齋

上諭七部

上諭六部

上諭清漢一部

御論一部

欽定訓飭州縣條規一部

齋戒牌四

文廟先賢先儒牌位册一

部頒祭文一部

文廟樂章一部

儀注一部

大清會典儀注一部

部頒文武相見儀注一部

欽定學政全書一部

學政全書一部

御纂周易折中二部

御纂書經傳說彙纂二部

又一部

御纂詩經傳說彙纂二部

又二部

御纂春秋傳說彙纂二部

又一部

欽定三禮義疏一部

御纂性理精義一部

又二部

御撰周易述義一部

詩義折中一部

春秋直解一部

御撰日講四書解義一部

駁呂雷良四書講義二部

御批資治通鑑綱目二部

御撰資治通鑑綱目三編一部

欽定明史一部

欽定授時通考一部

欽定四書文一部

御製詩初集一部

御製詩二集一部

御製文集一部

御製聚珍書三十九種各一部

平定淮葛爾告成大學碑文一道

欽定清漢對音字式一部 平定金川大學碑文一道

孝經注解一部 小學纂註一部

近思錄集解一部 大學衍義輯要一部

四禮初稿一部 四禮翼一部

呂子節錄一部 道德經一部

綱鑑正史約一部 豫章書院條約一部

養正遺規一部 科場貼例一部

磨勘條例一部

學田

坐落土名

畝數 佃戶

額糧 耕牛

額徵

租穀

山塘 荒地 庄屋 總冊

工費

賑貧

以上詳載藝文學田記

新淦縣志卷八

公署 目錄二十條

縣署	龍亭庫	申明亭	丞署	儒學署	巡檢署
典史署	城守營	考棚	陰陽學	醫學	僧道司
演武廳	營房	倉廩	義倉	省倉	養濟院
澤園	官地				漏

新淦縣志卷八

公署

聖主當陽天下爲公眾建庶官官所曰公昭其公爾忘私無玷官箴也又曰廨署卽魯語所云署爲位之表無貽譏於尸位碌碌也故文武署置大小殊名號異要皆在位供職有所設施胞與爲懷痛癢在抱舉凡老幼廢疾顛連無告者莫不體恤靡遺期無負

國家部署豪傑之至意焉爾作公署志

新淦縣署初在清江鎮隋開皇十年知縣李子樂徙建

南市村卽今治所宋時建樓以藏敕書有無訟堂春風樓俱知縣鄭棗建禮教堂開禧間知縣何洪建琴堂紹定間知縣羅愚建金壇劉宰有箴五美堂淳祐間知縣高斯從建二松堂丞周遷之建淨碧堂簿趙彥恭建元改縣爲州至正末兵燹明復改爲縣洪武二年州守曹行宏治九年知縣盧淵重修正德六年知縣劉天錫重建譙樓隆慶四年知縣李樂增建王文燿復建素風軒於署內有記有詩

國初堂署遭燬康熙三年知縣胡之琳重建九年知縣董謙吉重修又有退思堂書室煉石處俱謙吉建內庫順治間知縣潘岭重建

無訟堂在正衙後宋令鄭棗建

讀書堂在無訟堂北舊名製錦堂宋知縣鄭噩建

禮教堂在無訟堂西知縣何洪建

得初堂在無訟堂東知縣羅愚建

琴堂在無訟堂北卽自公堂舊址知縣羅愚建劉宰有歲

五美堂在無訟堂西知縣高斯從建

二松堂在正堂左縣丞周遷之建

眞清堂在二松堂西縣丞趙崇清建

春風樓在治南知縣鄭桌建

淨碧堂在致爽堂南主簿趙彥恭建

秀野堂在南門外楊圓南建

宣詔亭在縣樓門外之左

班春亭在縣樓門外之右

牧愛堂宋朱文公手書卽正衙一曰清慎勤知縣劉拯
題

東禮儀庫

西架閣庫

縣署後堂舊曰存心堂邑令董謙吉重修額曰公餘猶
惕

以上亭堂並宋建久廢姑存其名以備考

明素風軒在治內明知縣王文燿建有記有詩令劉拯
重修

國朝改曰玉壺冰卽今退思書室

茶亭在正堂後邑令董謙吉建額曰洞如我心侯澄心
如水介守若石於後堂下廊樹一屏圖以菘菜銘曰民

有此色苦官嘗是味甘日監常在茲養惠戒其貪
退思書室在茶亭右邑令董謙吉建

煉石處在書室右邑令董謙吉建

準提閣在煉處右

國朝壬子邑令董謙吉建

知縣常衙在茶亭後嘉靖辛酉令樂舜賓併縣丞衙以
居

四達亭在縣署內後院小山之巔面江而立水雲空曠
嘉慶甲子邑侯寶公名心傳建

敬事堂道光三年邑侯宋公名庚捐俸重修卽縣署常
衙額曰敬事堂一曰節用愛人

內庫在後堂左知縣潘嶺重建

縣丞衙舊在知縣衙後署傾圮基存

舊主簿衙在縣丞衙左

國朝裁主簿缺改爲縣丞署康熙十年張秉觀重修今圮
典史衙在縣丞衙之前典史支丕揚重增飭

縣宰迎春東郊

先期發塑造春牛芒神銀令塑造芒神春牛於東郊次

發鞭春酒席銀坊長置備掇盆於起春之所令率僚屬具鼓樂里長扮造社藝迎入迎春門坊長仍捧盆至縣堂三爵而別次日立春各官具朝服祭芒神以雞黍繞牛三匝鞭春禮畢芒神迎入架閣庫

新官到任

新官至朝天門皂快備儀仗出城伺候官屬父老迎入詣城隍祠宿壇先期發額編銀整辦盒酒請學師暨僚屬宴翌早祭告如儀畢先期發價牙行買備猪羊祭儀門闐闐之神禮畢陞大堂行謝恩禮訖行參見禮乃紱

僚屬乃署公移祀土地縉紳士民以次謁賀

吏公廨在右邊吏舍後今湮

幕廳一間在正堂左舊扁曰贊政今圯

六房在正堂東西兩廊吏戶禮承發房在左兵刑工鋪

長司在右令董謙吉重修

日圭石在堂下東

戒石亭一座在甬道中

儀門五間邑令董謙吉重修

土地祠在儀門外左

獄禁在儀門內右

石碑二座在儀門內左知縣曹行題云省一分民受賜一分粟一錢便不值一錢右知縣夏大勳題云不傷財不害民毋忿疾毋求備

譙樓五門在儀門前卽宋時邑宰陳浹所建藏書樓侍郎曾宏迪記

康熙二十四年十二月邑令祖允燮重建縣治頭門譙樓一座

康熙四十七年邑令王毓德重修內衙大堂六房科房土地皂快班房四十八年重建縣治儀門一座邑人周卿記嘉慶十四年邑侯壽公星保捐俸重修譙樓扁曰日衆目我心

龍亭庫令李樂建姚翼記

輕監在譙樓右不罹重法者寄此一名倉所

申明亭旌善亭各一間在譙樓前左知縣曹哲建後知縣彭忠孝令每都建一所今廢

陰陽學一間在譙樓右今廢

醫學在縣前大街縣丞王翰建今廢

惠民藥局在縣前洪武初邑令曹哲建官買藥施病醫生輪值醫治經過使客及民之貧苦者今廢

稅課局舊在慈訓坊洪武初邑令曹哲建後遷金水亭今廢

杯山巡簡司在縣治東六十餘里原設三十四都地名城上萬歷壬寅令曾陳易移立三十九都藍橋後因三十五都桐江地連豐樂盜賊往來地方不便崇正七年守道黃都院解檄縣勘設巡簡鎮守地方仍遷城上原所知縣劉拯建置官廨一所頭二門及後堂二門外列東西營房十六間招募兵勇二十四名及原弓兵一十六名每月縣撥精常兵十名更番守禦時勤巡瞭其新募兵餉院道議將新喻汰兵工食銀兩協濟餘四名兵餉仍本縣措給今廢

僧會司舊在治東建興寺僧沈法致修今廢

道會司舊在治南祥符觀今司廢印仍本觀護守

馬亭舊在供應亭前今改遷縣堂右邑令董謙吉建夫亭舊在申明亭前近街

延賓館在儀門之內右令李樂建原題愛益軒浙殿元范應期記

按察分司在縣治左康熙四年知縣胡之琳重修
布政分司在縣治西洪武初知縣曹哲建年久朽塌不
存嘉靖二十九年議重建以舊基淺隘得民人胡依空
地一片在城隍廟東與府館相鄰遂與抵換計長一十
三丈前廣七丈二尺五寸後廣九丈五尺視舊址各贏
二丈零隆慶六年令李樂改建便民倉仍移分司舊址
於德化坊

國朝兵燹署圯改建西江書院及望江樓引勝亭見書院
條府館舊在金水亭後再遷城隍廟左因傾圯改爲便

民倉

金水亭在治西北與金川驛對江令鄭噩改曰間津慶
元間令何洪重修嘉靖庚戌知縣彭輅改名金川驛辛
酉寇燬址存

申明亭在治西四十七都蓮塘正德十四年廢

江天一覽亭在治西北濱江爲迎送使客之所嘉靖甲
子知縣蔡常毓建今廢址存

平政亭在治西坑口橋側令周文允建今廢

望洋亭澄江門外今圯

親治縣志
卷八
接官亭在治北朝天門外濱江知縣蔡琮建縣丞周楠
規方築堤日久亭圯知縣王立穀重修禹州守馬鳴穀
記

官店肆拾間除給祀練中丞一十五間實存二十五間
儒學在縣署東南唐貞觀十四年建宋建炎兵燬紹興
初縣令汪杲改建縣南乾道間令陳浹復遷於舊址慶
元間縣令鄭如岡增修令羅愚以左右狹隘捐俸買地
以廣之虛其南爲隙地紹定三年寇燬縣令董雲才復
建教諭宅在講堂左訓導直學宅在兩廡下元至正壬

辰兵燬明洪武二年縣令曹行重建十五年令彭忠孝
增修正統間令張昇購民基增置廡宇廳堂

國朝康熙五十三年生員鄒勳監生鄒乾捐建儒學儀門
乾隆三十六年知縣王昂倡修始移正齋衙署居右副
齋衙署居左

嘉慶十九年邑侯壽星保集紳士重修學署及禮門外
傍練公祠餘地添創店舖一所每年賃租八呈錢二十
十四千文爲檢蓋文昌宮之費派首士管理

考棚在金川書院之左道光三年邑侯宋公集紳士民

購地庀材前列號座五棚後建官廳五間錫名正誼堂
堂左旁建花廳三間書房三間廚室一間計長十八丈
七尺橫寬四丈三尺侯樂道忘貧平政恤刑愛人下士
癸未重修縣志設立考棚甲申捐廉爲金川書院膏火
之倡據事書之以示後來

倉儲

南賑倉舊在治南二里許嘉靖三十五年知縣黃仁惠
遷於南河口與便民倉合爲一處至四十年知縣樂舜
賓以城外賊屢窺伺改建治北鐵爐巷今廢址尙存

便民倉舊名糧儲倉宏治間在治西北正德間改遷南
河口更名便民倉歲久頽塌舟次收貯致多虧折隆慶
己巳邑令李樂改建於藩分司舊址卽今城隍廟左邑
都御史朱孟震記崇正四年便民倉東廩燬令劉拯修
十四年令陳以運復增設前後兩廊

國朝兵燹俱廢僅存中一間康熙丙午知縣胡之琳重建
西賑倉在西衙後萬歷辛巳知縣蔡琮建今廢址存

國朝康熙十一年改建望江樓

存畱倉舊各省倉在治西三皇廟址令葛揆建後令何

洪撤而新之洪武二十三年主簿許琳重建久廢

預備倉舊名常平在省倉之西淳祐中縣丞沈正新之

宣德中知縣楊仁建於布政分司西久廢

東賑倉在治東五里地名瓦橋久廢址存

北賑倉久廢 儒學倉在學內久廢

平價倉久廢 糯米倉久廢

建興倉廢 龍安倉在城今廢

社倉八萬歷七年本府推官楊崑署縣事勸借民粟貯之備賑

在城一建興寺背 善政鄉一在大洲上

太平鄉一在拿埠 欽風鄉一在樓前

修德鄉一在七琴羅家圍 登賢鄉一在藍橋

下安鄉一在灘頭 上安鄉一在楊二坑

以上倉今俱廢仍存其名以俟修復

附舊社倉歸併南西倉議

隆慶三年歲大旱令李樂憫民告饑以正額錢糧解剝及贖緩冗費做平糴之意自己巳迄辛未儲穀一萬四分寄各鄉富戶少則三百石多則四百石以備荒歉

後設各鄉社倉儲穀歷久勢借無還僅存數十而已令王立穀因併歸南西倉社倉遂廢邑侍御朱璉記

省倉淦邑舊無省倉歷年盡是水兌舟次河干種種不便多至虧耗

康熙五年知縣胡之琳按里糧修建進賢門外去河甚遠不便兌運

康熙十年邑侯董謙吉捐俸買民基備木石改建於新城門外不費民力刻日告成爲淦永利正廳三間東西兩廊及後廳倉廩計二十五間

常平倉在治西傍縣署右卽金水書院改建

雍正七年邑侯樊宗文將舊有倉廩六間詳請拆補閒廢金水公館改倉八間

乾隆元年邑侯鄭請添建三間六年邑令奚又灝先後詳請增建七間七年復詳請動項於署西空地添建二間

嘉慶元年邑侯宋名廣備詳請改造一在西大街十七間一在縣署西邊三間共計二十間編有字號履泰咸恒聚臨豐益晉陞仁義豫需克盈素慶有年額貯谷數

新淦縣志 卷八
壹萬六千石

演武廳

明初設立教場在縣治右阜民門外祥符觀前東抵民地西濱大江南至小河口北抵觀前地廣袤平行可以操演其北隅建耀德堂三間前覆以站亭年久傾圮嘉靖四十五年令夏大勳重修繚以垣墻匾曰金川保障左十餘步設旗纛一座以祀軍牙大纛之神每歲霜降日印官致祭操兵今亭圯尙俟修復

祝文式維某年月日新淦知縣某等致祭於天威神機火雷無敵大將軍之神惟神威勇猛厲剛勁精強旬轟掣電歟火奔風護國庇民厥功顯著肅靜兇暴寧謐封疆遇有征討唯神是賴驅鋒遣鎬端直奇妙萬發萬中疊貫連穿破敵致勝如拉朽朽無堅不摧無悍不服神其蓄銳練靈用之則應特以牲品致祭神其享之

城守營署在棉花行街傍 關帝廟道光元年 關帝

廟公眾得買張成章屋有買契二紙存城守營署交代

冊

外委把總一員每年養廉馬乾銀五十四兩米三石六

親海縣志
斗帶領戰馬兵五名每名戰餉銀十八兩米三石六斗
守兵三十六名每名守餉銀十兩八錢米三石六斗馬
一匹

河營塘七車頭塘泥江塘界埠塘石口塘河埠塘灘頭
塘燕子洲塘

陸營塘一大坑塘撥兵五名今裁

巡河哨船二隻

國朝乾隆三十六年設水手二名每名工食銀一十二兩
杯山巡檢司一員俸銀三十一兩五錢二分弓兵一十

六名每名工食銀二十八兩八錢遇閏加銀二兩四錢
養濟院在治南一里許背江面河正房三間左右六間
收養鰥寡孤獨嘉靖甲子令蔡常毓增修六間隆慶六
年令李樂增修四十間外有官店四十間萬歷二十二
年令王文燿將店議助練中丞祭祀餘存在官者取賃
以贍孤老萬歷四十七年令王立穀以孤貧漸多開候
頂名色創買十八都官田贍賑立戶常養召樂邑人王
紹一承耕後逃避天啟七年十月令周文允責遞旨朋
耕編名鄒遞三計早租四十六籬晚租九十八籬糯租

新治縣志
卷八
一百七十九籬五斗例年不論豐歉準折租價七兩五錢貯庫候給孤老明末院宇傾毀

國朝休養生息諸糜費議裁惟此四民月糧司牧以時散給

皇仁洵亶厚哉喻邑部郎劉松記

漏澤園舊在縣北五里鳳凰山前空地彼土纍纍莫適爲主爲武斷者所擅宋慶元三年官司別置城南雷塘院地二百餘畝繚以垣塹闢門東西爲漏澤園使院僧視守聽貧民瘞埋明隆慶四年知縣李樂擴廣之丁巳

令王立穀復買練姓之山給民埋葬立碑

國朝順治間邑令吳來儀憫四野遺骸立義冢地名竹坑俾魂魄有所歸焉吳記詳藝文志

新淦縣志卷九

書院 目錄九條

宋

高峯書院 邑宰黃幹建

金水書院 邑宰何洪建

明

金川書院 提學李夢陽建

惜陰書院 僉事陳奇建

國朝

瀨湖義學

康熙三十五年邑宰高榮胡之琳建

靖廬講堂

康熙四十年合邑紳士建

吳公講堂

康熙四十三年合邑紳士建

凝秀書院

乾隆辛巳邑宰朱一深建嘉慶壬申癸酉邑侯壽星保董欄先後倡修復名金川書院其地則實非前明故址詳藝文志壽侯金川書院記

新淦縣志卷九

書院

英才輩出蔚爲

國華廣學以造士則書院尙焉唐元宗始創麗正元至元

乃有山長先儒所過化名賢所經行率由其舊若高

峯若惜陰郁郁攸攸矣世遠跡湮廢而復興士之樂

羣敬業者入室升堂其咏菁莪棫樸之章歟作書院

志

宋

高峯書院在治東二里宋黃勉齋先生建明嘉靖元年田令邦傑重修郡守徐問記隆慶三年李令樂改建於儒學文廟之西邑人士以勉齋之政教難忘題曰勉齋祠奉木主祀於其中崇正間劉令極重加修葺明季燬金水書院在治西慶元間邑宰何洪建後改常平倉

明

金川書院在治東北一里正德間提學李公夢陽檄黎令璵建以祀練忠貞及忠貞父伯尙先生又於院後爲堂題曰浩然李有記嘉靖元年督學邵公銳令郡守徐

問致祭進伯尙於鄉賢祠九年周令崑增祀忠貞公五代於浩然堂隆慶間李令樂重修姚翼記萬歷庚寅意白楊令名宏科以祠低窪移建儒學之右又增傾日樓以祀伯尙戊午王令立穀復倡捐修繕聶心湯朱孟震記尋改爲練公祠

惜陰書院在治東成化九年僉事陳奇於陶桓公讀書臺下建書院像祀桓公配以靖節提學夏寅題匾羅倫記十三年葛令真復加修葺工成爲文祀之後漸傾圮崇正五年周令文亂修復

國朝康熙壬寅施公閏章分守湖西振興文教乙巳駐節
吉陽道經新淦胡令之琳集多士迎公講學於臺下畱
韻誌別重建堂三楹中爲施公講學堂詳古跡志復立
陶桓公靖節勉齋木主並祀焉今圯

國朝

義學在城東瀨湖之北前後三楹兩重康熙三十五年
邑令高榮胡之琳倡建學博方廣裕章成美有記初建
時歲延掌教弟子數十餘人尋以不加修葺而圯僅存
敗椽數行而已

靖廬講堂在儒學前之左康熙四十年紳士公建祀學
博文公行遠前後餘有空地俱官基

吳公講堂在邑東一里陶桓公讀書臺後康熙四十四
年紳耆公建祀吳令存庵今廢

凝秀書院在治西南乾隆辛巳朱令一深報上倡捐首
事廖峻承辦購地增建前門二重夾房四楹越墀二丈
中講堂上則靜遠樓左右廊房各九中堂寬廠左房六
右房四後房九庖室三合前宇五十三間朱令奉府榜
曰凝秀書院購田納租定掌教館穀壹百石折色銀陸

拾肆兩酌設膏火入館者爲內肄業月給銀陸錢旬日
一課超等榜首賞銀三錢餘三之二特等三名前三之
一曠課者停免朱令慮致周詳契業租賦下及器物編
爲凝秀書院志付劄劄以示不朽并將一時歌咏詩賦
登載藝林稱盛興賢育才之良規也提督學政仁和湯
聘記

金川書院卽前凝秀舊業也嘉慶丁卯院宇漸次頽廢
癸酉以後壽公星保董公瀾先後捐倡力爲修建甃垣
加固甍楹以崇惟靜遠樓輯舊其餘門堂廊房庖室撤

而新之額仍曰金川書院實非前此金川書院故地也
壽公星保有記工竣甲戌春邑紳士以近年書院掌教
悉奉薦到遠方山長修脯菲薄每難久居有主講之名
無肄業之實致視講院爲傳舍公稟前署侯何公名炳
據情申詳奉府憲官公巡憲胡公批飭遵照嗣後延請
山長悉照南昌縣東湖書院例均由縣主查照章程延
請將來書院經計長久而山長亦按科目位分科分無
復濫竿踰越者矣因公立章程條約詳見藝文志壽侯
金川書院記後

道光癸未七月大中丞程

公名含章

給公項銀一百兩倡捐

膏火示諭一條

一作人才人才者致治之本書院者育才之地本部院所到之處必以興修書院作育人才為先豈為是緩不濟急之謀哉良以士為四民之首必士習端而後民風可正也除省城及信江各大書院現在整齊外其餘各府廳州縣本有者重與興修無者一體建設或改廢寺為書院或撥寺田為膏火不願者不必勉強膏火淡薄者加增從厚每學書院本部院撥給公項銀一百兩為倡各地方官量力捐助勸諭紳士商民捐輸成事立定章程詳報立案延請名師盡心訓課總期為明體達用之人毋徒務詞章之學異日人材蔚起為邦家光豈不美哉

核載書院購置田租山障數額

三都二畝油源地方早晚庄田柒拾柒畝外山屋基地

隨田管業歲徵租壹百陸柒拾担額糧柒石柒斗陸升

壹合貳勺

五都 畝劉宏業義捐沿湖承蔭地方庄田叁畝肆分

歲徵租肆石零捌升額糧叁斗叁升叁合叁勺

三都五畝蘆岡墟邊地方早晚庄田共叁拾石叁斗并

山屋園地歲徵租柒拾伍石額糧肆石貳斗貳升伍合

柒勺捌抄貳撮總覈書院之糧東方壹畝前甲凝秀戶

壹拾貳石陸斗柒升玖合叁勺陸抄歲納到官銀壹拾壹兩零叁分叁釐到官米陸石伍斗肆升捌合

四都五畝鄒孟遷嘉慶二十四年義捐潭溪地方早田祠堂邊壹石伍斗馱下伍斗楊田籠壹石貳斗歲徵租伍石約計糧貳斗玖升貳合

五都藍橋地方青木堆山壹障

七都湖田地方堯計坑山壹障又名小公墓魚形週圍畫立界限

五都南源地方竹鞭山壹障

道光三年大中丞公程捐銀壹百兩以爲增添膏火之倡又書明體達用四字匾額述書讀書志在聖賢爲官心存君國之句鐫懸廳事

布政司理問鄧思懿道光四年樂捐已手得買湖尾地
方早晚庄田共計貳百叁拾貳畝正共計糧貳拾貳石
捌斗叁升叁合叁勺肆抄其糧在四都七圖永盛戶
外屋宇園地塘各業一併捐入金川書院以佐膏火經
費之用

監生劉廷勳道光四年樂捐已手先後得買黃源山背
烏源雙溪四處庄田以及契上山場屋宇地土共計早
晚田壹千零伍伍半全數捐入以佐金川書院膏火經

費之用

共計糧拾貳石貳斗零捌合貳勺貳抄

吳夢湯樂捐自手得買小嶺樟坑二處庄田共計早晚
田拾壹石正

一併捐入金川書院以佐經費之用

共計糧壹石五斗柒升壹合肆勺貳抄

樂諭姓名做勸捐例開載其未及五六十兩者刻石另
載金川書院記

乾隆二十五年凝秀書院捐輸姓氏

杜超羣 杜一凰 杜七轉 捐銀四百五十兩

楊濟 捐銀一百兩

洪日東 捐銀一百兩

陳鳳來 捐銀一百兩

楊作棟 捐銀九十二兩

劉翼基 劉景恭 捐銀一百二十兩

張伯林 捐銀六十兩

李凌采 捐銀六十兩

周鵬翮 周家榮 捐銀一百兩

新治縣志 卷九 書院 八

羅人龍

捐銀五十兩

敖文

捐銀五十兩

李忠立

捐銀五十兩

陳克鏞

捐銀五十兩

李世添

捐銀五十兩

張旭生

捐銀五十兩

張世仁

捐銀五十兩

黃儒

捐銀五十兩

鄒仲文

捐銀五十兩

歐陽王氏

捐銀八百兩

道光四年金川書院捐輸膏火姓氏

江西巡撫程 捐給膏火紋銀一百兩

新淦縣正堂宋 捐廉銀三百兩

鄧思懿 所捐湖尾之田計契價足 錢一千一百二十二千文

劉廷勳 所捐黃源等處田計契價足 錢一千零零五千文

傅志南 捐足錢一千千文

張拔元 捐足錢一百千文

周世錫 捐足錢一百千文

傅蟾昌

捐足錢七十千文

姚鑑青

捐足錢六十千文

沈崙

捐足錢六十千文

楊澄江

原名秉恕

捐足錢六十千文

周月普

捐足錢六十千文

劉元勳捐田

在一都洋峰實糧八十二升倉屋一間內得三股之二契價計足錢一百零二千文

劉維垣捐田

在一都烏源早晚田計糧六斗四升五合一勺五抄價契

足錢六十千文

鄧其穡

捐足錢六十千文

聶驥

捐足錢六十千文

鄧榮盛

捐足錢六十千文

廖就思

捐足錢六十千文

登仕郎吳夢湯所捐

小嶺樟坑

之田計契價足錢二百四十千文

增生唐享祐

一都人捐黃源田畝陸拾貳羅計糧柒斗柒升五合價值足錢六十二千文

監生唐享祺

一都人捐黃源田畝六十羅計糧七斗五升價值足錢六十千文

監生唐儀燦

一都人捐黃源田畝六十羅計糧七斗五升價值六十千文

唐黃氏

一都捐黃源田畝六十一千文合五勺價值六十一千文

羅計糧七斗六升二

道光癸未自 中丞倡捐勸諭以後申詳立案并隨給
印信匾額捐銀千兩以上者 江西巡撫印賞助興文
教匾額百兩六七十兩者 新淦縣印賞分財教善匾
額婦女印賞禮宗淑望匾額

